

A2^r

Der durchleüchtigen Hoch-
gebornen Fürftin vnd Fråwlein
Frülein Mechthildis/ Pfaltzgrå-
fin bey Rhein/ Hertzogin inn
Obern vnd Nidern Bayren/
meiner Genådigen
Fråwlein.

Durchlüchtige Hochgeborne
fürftin E. F. G. feind mein
vnterthånig fchuldig diēft/
jeder zeit/ höchfts fleis bereit: Gnå-
dige Fürftin vnd Fråwlein: Es
werden auff erdtreich/ vnder allen
vólckern vnnnd Nationen/ 3way-
erlay gefchlåcht der menfchen ge-
funden. Das ain vnd fürnåmft ift
deren/ fo fich auß jrer gũten ange-
bornen artt vñ eigenfchafft/ aller
tugent/ vnd erbarkait fleyffen/ vñ
die lafter von hertzen haffen. Den-
A ij felben

A2^v

felben ift kain gefetz noch gebot ge
ben/ dieweil jhnen jr rechtgefchaf
fens gemüt/ an ftadt ainer grof
fen menig/ allerlay ftatutē/ fatzun
gen/ vnd gebot/ ift. Dann fie fliehē
die vbertretungen/ vnnd lafter/
auß rechter lieb der tugendt. Das
ander gefchläch der menfchen ift
diß/ welchs von natur auf alle boß
hait vnnd vppigkait genaigt ift/
Auß deffelben böfen vnd verkertē
fitten/ feind fo vil vnd manigfälti
ge/ Hochlößliche Göttliche vnnd
menfchliche gefetz/ hergeflossen/
Durch wólche die frommen be
fchirmpt/ vnnd die böfen geftrafft
werden follen. Dann wo die miß
handlungen nit vberhand gnom
men/ wäre zů ftraff derfelben kain
glatz/ oder ftatut/ von nößen ge
wefen. Neben follichen gefetzen a
ber/ Habē etlich andächtig/ Gots
föchtig/

A3^r

förschtig/ güthertzig lerer/ vnd vät-
ter/ vilfeltige vnderweyungen/
zũ anrichtung ains Chriftlichen
vnd rechtgefchaffnen lebens/ vns
fürgebildet/ Den frummen zũ ai-
ner fterckung vnnd freüd/ den bö-
fen aber zũ ainer getrewen leer/
vnd warnung/ Damit fie/ durch
besserung jhrs lebens/ erftlich die
glatzlich vnnd zeitlich/ nachmals
auch die ewig ftraff/ vermeyden
möchten. Sollichs ift auch ain ai-
nige vrfach gwefen/ das der Hey-
lig Bifchof vnd Marterer Nilus/
fo vor vil hundert jaren gelebt vnd
geleuchtet/ Dife fprüchwörter ge-
fchriben/ vnd zũ menigklichs nutz
hinder jhm gelaffen hat. Diefelben
hab ich newlich/ fampt anderen
büchlein/ neben meiner täglichen
arbeit/ gleich als zũ ainer erquick
ung meines gemüts/ verteutfcht/

A iij vnnd

A3^v

vnd E. F. G. zwaier vrfach halb/
zûfchreiben vñ dediciere wöllen.
Ertlich/ damit E. F. G. Chrift-
lichs vnd demütigs hertz/ in difen/
geleich als in ainem wolgeziertē ro
fengärtlein/ ain luft/ vnd anmüti-
ge liebligkait empfienge/ feitenmal
daffelbig/ zû aller Chriftlichen leer
vnnnd tugent/ fo hoch genaigt ift.
Nachmals/ das auch difes büchlin
fo allain E. F. G. zû vnterthänigr
erzaiung/ an tag kumpt/ bey me-
niglich/ defter mehrer nutz vnnnd
frucht brächte. Vngezweyfleter
hofnung E. F. G. werde nitt wie
klain/ fondern wie nutzlich es fey/
gnädiglich anfehen. Dann auch
offtermals die aller klainestē edlen
ftainlein/ von jhrer tugent/ krafft
vnd feltzamkait wegen/ zûm aller
theureften gefchätzt werden. Bitt
dēnach vnderthäniglich E. F. G.
wölle

A4^r

wölle follichs büchlein/ auch mich
in gnädigē beuelch/ mit allē Fürft-
lichen Genaden/ annemen. Datū
München/ am tag Michaelis des
Heiligen Ertzengels. Añ: etc. 15

E. F. G.

Vnderthåniger

Chriftophorus
Bruno Baidier
Rechten Licen-
tiat.